

Sarajevo, 06-03-2019

Broj: 02-03-11953

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-11166 od 28.02.2019.godine, Generalna direktorica donosi:

### **ODLUKU**

o izboru najpovoljnijeg ponuđača  
za „Nabavku diodnog lasera 532 nm (green)“ za potrebe Klinike za očne bolesti

#### **I**

Prihvata se prijedlog Komisije za javnu nabavku, Izvještaj br. 03-06-11166 od 28.02.2019.godine za nabavku Diodnog lasera 532 nm (green) sa špalt lampom za potrebe Klinike za očne bolesti, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

#### **TUZLA-FARM d.o.o. Tuzla**

##### **1.1. Diodni laser 532 nm (green)**

Cijena diodnog lasera: 50.028,00 KM bez PDV-a

##### **1.2. Špalt lampa**

Cijena špalt lampe : 14.950,00 KM bez PDV-a

**- Ukupna vrijednost ugovora iznosi: 64.978,00 KM bez PDV-a + 11.046,26 KM PDV-a = 76.024,26 KM sa PDV-om**

- Zemlja porijekla i proizvođač: Njemačka / ZEISS/532 S VITE - Italija

- Tip ponuđenog: - CSO /SL 9900

- Uslovi plaćanja: odgođeno plaćanje 30 dana, od dana isporuke, montaže, puštanja u rad i obostranog potpisivanja Zapisnika o primopredaji opreme, te ispostavljanja fakture.

- Rok isporuke, montaže i puštanja opreme u rad maksimalno 2 mjeseca od prijema narudžbenice.

- Garancija na isporučenu opremu: 12 mjeseci a teče od dana obostrano potpisanog Zapisnika o primopredaji opreme.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br.02-03-4393 od 25.01.2019.godine, procijenjena vrijednost nabavke iznosi 65.000,00 KM bez PDV-a. Predmetna nabavka planirana je privremenim Planom javnih nabavki za 2019. godinu pod klasifikacijom robe, red.br.1 (Odluka o usvajanju izmjene i dopune privremenog Plana javnih nabavki KCUS-a za 2019.godinu br.318/18; protokol br.02-01-67042 od 25.12.2018.godine). Klinički centar Univerziteta u Sarajevu je 25.01.2019. godine objavio Obavještenje o nabavci broj: 893-1-1-45-3-25/19 na portalu e-nabavke zajedno sa Tenderskom dokumentacijom za nabavku diodnog lasera 532 nm (green) za potrebe Klinike za očne bolesti putem otvorenog postupka javne nabavke. Sredstva za nabavku su obezbjeđena, po presudi Općinskog suda u Sarajevu u iznosu od 1.980.042,79 KM).

Obzirom da je dokumentacija za postupak nabavke, objavljena na portalu e-Nabavke istu je preuzlo 10 (deset) ponuđača, a do krajnjeg roka određenog za prijem ponuda, 25.02.2019. godine, dostavljena je 1 (jedna) ponuda ponuđača Tuzla-Farm d.o.o. Tuzla.

Na osnovu obavještenja o nabavci i Tenderske dokumentacije objavljene na portalu e-Nabavke Komisija imenovana Odlukom broj: 03-06-6171 od 05.02.2019.godine je izvršila uvid i provjeru svakog dostavljenog dokumenta i ustanovila da dostavljena ponuda sadrži sve tražene elemente i ispunjava formalno pravne i suštinske zahtjeve postavljene tenderskom dokumentacijom, te je ponuda prihvatljiva i može biti predmet vrednovanja.

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 03-06-11166 od 28.02.2019.godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču TUZLA-FARM d.o.o. Tuzla. Prijedlog Komisije je prihvaćen i donijeta je odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

*Handwritten signature*